

КИТАЙЫН *

Век на вöлі мукöд муын
Озыръяслы лöсьыд рай,
Сöмын торкны кутіс налы
Асыввылын збой Китай.

Сьöкыда Китайын оліс
Важысянь нин гöльджык йöз;
Мыйöн вежөр юрö воис,
Пыр и корсьны кутіс мез.

Первой туйсö восьтысь вöлі
Гöль дор олысь Сун-Ят Сен;
Сійö сьöлöм гöльлысь öзтіс,
Лэптіс озыръяскöд вен.

Сэсся кулöм бöрас колис
Ассьыс быдтöм Гоминдан.
Сöмын омöль войтыр кутіс
Вöчны изьмена и тан.

Со кöть босьтам генералöс,
Кодлөн нимыс - Чан Кай Ши,
Гоминданысь сійö кежис,
Гöльлань бергöдіс ёсь шы.

Сэсся, сідзжö, вöлі бара,
Сэтшöм кодь жö Фын Юй Сян.
Чан Кай Ши моз вештіс сійö
Озырланьö ассьыс бан.

Найö кыкнанныс зэв ярöсь,
Сьöлöм «некодысь оз пов»...
Робочейлысь, крестьяналысь

Уна босьталісны лов.

Найӧс виччысьӧны важӧн
Озыр йӧз да Жан Тзӧ Лин;
Вӧлі кӧсйысьӧны сетны
Гӧльӧс виялӧмысь чин...

Со и матӧ сэтчӧ локтіс
Гӧнтӧм юра У Пей Фу;
Лёкысь горзӧ, корӧ отсӧг,
Кӧсйӧ кульны гӧльлысь гу...

Сӧмын сылӧн гора гӧлӧс
Нинӧм бурторъяс эз сет;
Гӧль йӧз сылы паныд сувтіс,
Быттьӧ ыджыд кымӧр, - съӧд.

Революциятӧ кутны
Генераллӧн ичӧт вын.
Гӧльлӧн вермӧм абу ылын,
Сэтысь озырыд оз мын.

Миян отсӧг колӧ сетны,
Ланьтны ӧні абу бур.
Отсалам жӧ, коми войтыр,
Гӧльӧс озыр мед оз пур.

* Медводдзаысь печатайтӧма 1927 воын.
Ордым. - 1927. - № 8-9. - С. 60.